

PULAU PINANG, 7 APRIL (BERNAMA)-MENTERI PELAJARAN, DR. MAHATHIR BIN MOHAMAD BERKATA HARI INI KUALITI GURUBESAR MERUPAKAN FAKTOR TERPENTING MENENTUKAN KEMAJUAN SESEBUAH SEKOLAH.

KATANYA, GURUBESAR BERKUALITI BAIK IALAH YANG ADA INISIATIF, BERKEUPAYAAN, TAHU MEMBEZAKAN URUSAN PERIBADI DENGAN HALEHWAL SEKOLAH, MENDAPAT KEPERCAYAAN DARI MURID, GURU SERTA IBUBAPA.

BERUCAP MERASMIKAN KURSUS PENTADBIRAN PENDIDIKAN DAN PENGURUSAN MODEN UNTUK GURUBESAR-GURUBESAR SEKOLAH RENDAH DI UNIVERSITI SAINS MALAYSIA DI SINI BELIAU BERKATA GURUBESAR BERKELIBAR TIDAK AKAN MENUNGGU HINGGA BANGUNAN BARU DIBENA BAHARU HENDAK BEKERJA BERSUNGGUH-SUNGGUH MEMAJUKAN PELAJARAN.

"MEREKA AKAN MENGGUNAKAN SEGALA SUMBER DENGAN BIJAK DAN PIMPINAN YANG BERKESAN BAGI MENCAPAI KEMAJUAN," KATANYA.

DR. MAHATHIR BERKATA BELIAU PERNAH MELAWAT SEKOLAH YANG TIDAK BERTIANG BATU DAN BERATAP GENTING TETAPI KEMAJUAN PELAJARAN SEKOLAH ITU SANGAT MEMUASKAN.

SEMUANYA ADALAH HASIL DARI GURUBESAR YANG BERDEDIKASI DAN DAPAT MEMPIN GURU-GURUNYA DENGAN BERKESAN.

MENTERI ITU BERKATA SEKIRANYA GURUBESAR HANYA MENUNGGU BANGUNAN YANG CANTIK SEBELUM MENJALANKAN USAHA MEMAJUKAN SEKOLAH IA AKAN MENJADI SATU TRAJIDI.

"BUKANLAH MUDAH BAGI KERAJAAN MENGGANTIKAN SEMUA SEKOLAH YANG LAMA DALAM TEMPOH YANG SINGKAT," TAMBAHNYA.  
-BERSAMBUNG HM 1249

DR. MAHATHIR BERKATA GURUBESAR ADALAH SEPERTI SEORANG PENGURUS DI BIDANG PERNIAGAAN YANG AKAN MENTADBIR DAN MENGURUS GURU-GURU DAN MURID-MURID SUPAYA DAPAT MENGGUNAKAN KEMUDAHAN PELAJARAN DENGAN PENUH BERKESAN.

BELIAU BERKATA OLEH KERANA MAHUKAN GURUBESAR MENJALANKAN TUGAS DENGAN CEKAP KEMENTERIANNYA TELAH MENGADAKAN BERBAGAI PELUANG BAGI GURU-GURU MEMPERBAIKI DAN MENAMBAHKAN PENGETAHUAN.

MENTERI ITU JUGA MENYEBUT TENTANG PERLUNYA GURUBESAR MENGETAHUI TENTANG PERANAN PERHUBUNGAN MANUSIA DALAM PENTADBIRAN SAMADA DENGAN GURU-GURU, MURID-MURID DAN IBUBAPA SUPAYA SEGALA MATLAMAT MUDAH TERCAPAI.

MENURUTNYA, MELALUI RANCANGAN YANG TERATUR DI SOKONG PULA OLEH GURU-GURU DAN PEMBAHAGIAN KERJA YANG ADIL DAPAT MENOLONG SESEORANG GURUBESAR MENTADBIR SEKOLAH DENGAN CEKAP.

MENGENAI DISIPLIN, BELIAU MENEGASKAN PERLUNYA IA DIAMAL-

KAN DARI PERINGKAT GURUBESAR HINGGALAH KEPADA MURID-MURID DI DARJAH.

KATANYA, GURUBESAR MENJADI CONTOH KEPADA GURU-GURU DAN GURU-GURU PULA CONTOH KEPADA MURID-MURID.

DR. MAHATHIR BERKATA GURUBESAR YANG BERDISIPLIN BAIK AKAN MEMPENGARUHI GURU-GURU DAN STERUSNYA MURID-MURID DENGAN DEMIKIAN DISIPLIN YANG BAIK AKAN UJUD. -- BERNAMA